

triusq; cum Logicâ reciprocatio, ut ita loquar, tradenda erunt præcepta de modo disserendi tum in genere, tum in specie. Ex his efficitur, specialia præcepta de Logicorum instrumentorū applicatione esse immediatè subjicienda præceptis generalibus: quia alioqui mediiorū, quibus ad Logicæ finem cōtendimus, fieret divulgatio. Hinc & illud efficitur, usum Logices à præceptis de usu esse distinguendum. Usus præceptorum Logicorū separandus est ab ipsis præceptis de usu. Etenim usus ille est rationis functio, quâ præcepta artis animo comprehensa reb. extra artem cognoscendis opere ipso applicantur. Hunc usum Logica sibi non adscribit. Nam ille est cujusvis hominis eruditi, qui utitur Logicâ juxta præcepta generalia & specialia, effectū. Deinde usus vel præcedit artem, vel sequitur. Quatenus præcedit, est causa efficiens artis. Nā

Per varios usus artem experientia fecit.

Sed quatenus artem sequitur, illius effectum est. Hic igitur usus non est pars artis, vel essentialis, vel integralis. At præcepta de hoc tali usu, omninò sunt pars artis. Nam sine iis ars non potest dici essentialiter perfecta; id quod vel inde colligere est, quòd non omnis qui cognita habet præcepta Logica, v. g. de syllogismo, statim dextrè illis uti potest. Requiritur igitur ut specialis superveniat præceptio de ratione utendi seu applicandi hoc instrumentum. Suprà vidimus, instrumentū quodvis habere duo, videl. essentiam & actionē seu usum. Si dantur præcepta de essentiâ seu naturâ v. g. testudinis, lyræ, mallei; etiam erunt tradenda præcepta de usu testudinis. Foret n. manca & imperfecta instrumenti cognitio.

Necessitas usus Logici comprobatur ratione, Necessitas
usus Logici.
authoritate & exemplis.

Ratio, quâ probatur usum Logices esse necessarium, sic habet.

Logica est habitus, prout consideratur in mente hominis. Habitus autem artificialis tribus acquiritur mediis, naturâ, institutione, & exercitatione. *Aristot. 3. Rhet. cap. 12. & 1. polit. 13.* ubi ait: *Σπουδαῖοι γίνονται διὰ τειρῶν· τὰ τεῖρα δὲ ταῦτ' ἐστὶ φύσις, λόγος, καὶ ἔθος.* Cui σύμφωνα, sunt ea quæ *Plutarchus* habet de institut. ἢ φύσις ἀνευ μαθήσεως τυφλόν. ἢ μαθήσεως δίχα φύσεως ἐπιπέτῃ· ἢ δὲ ἀσκησις χωρὶς ἀμφοῖν